



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Propositio prima.

urn:nbn:de:hbz:466:1-39351



LIBER PRIMUS
DE PROPOSITIONE
PRIMA

Sive de Abjudicata Justis conanti-
bus & Volentibus aliquorum
præceptorum à Cornelio
Jansenio possibilitate.

PROPOSITIO PRIMA,

*Aliqua Dei Præcepta hominibus Iustis
Volentibus, & conantibus, secun-
dum præsentia, quas habent Vires,
sunt impossibilia, deest quoque illis
Gratia, quâ possibilia frant.*

HANC Propositionem à suo loco dolosè
avulsam & exhibitam mendaciter cri-
minantur Authores distinctionis V.
Propositionum in varios sensus obla-
tæ Innocentio X. anno 1653. Nam
ipsissimus Jansenii textus ita verba propositionis
effert:

76 LIBER PRIMUS

L. 3. de Grat. Christi c. 13. pag. 384. effert? Nihil esse in Sancti Augustini doctrinâ certius ac fundatius, quam esse præcepta quædam, quæ hominibus non tantum infidelibus, exacatis, obduratis, sed fidelibus quoque & Iustis, Volentibus, conantibus secundum præsentem quas habent Vires, sunt impossibilia; deesse quoque Gratiâ quâ fiant possibilia. Nihil hic dolosæ avulsionis elucet.

Et cum Jansenius impossibilitatem, quam comminiscitur, in Augustini doctrina fundatissimam jactitet; ut capiatur quantâ Hippo-nensis ab Iprensi intercapedine dissideat, vel in ipso primæ propositionis limine Augustini arma tractanda sunt contra Jansenium.

CAPUT PRIMUM.

De voce *impossibilia* in prima Propositione *Iustis Volentibus & conantibus* attributa.

SECTIO PRIMA.

Littera Ianseniana impossibilia in Augustino tractante de Iustis conantibus & Volentibus, nondum est inventa.

NON aëra cedimus cum de voce differimus invisâ Patribus, Horridâ Populis, ipsis etiam terrificâ Pelagianis, & ab his objectatâ Christianæ Gratiæ defensoribus. Hâc tamen usum fuisse Maximum Ecclesiæ Doctorem Augustinum contendit Jansenius, ejusque Apologistæ.

Hanc